

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Brevis expositio singulorum Casuum Episcopis reservatorum. Qui &
memoriæ causa paucis versiculis exprimuntur.

urn:nbn:de:hbz:466:1-40873

Brevis Expositio Casuum Episcopis reservatorum.

In gratiam Curatorum hujus diœcesis, aliorumque, adjungo præcedentium Casuum expositionem, non nisi compendiosam & communem, quâ multum imminui potest solicitude in discernenda actionum particularium reservatione, dum in pœnitentia tribunali occurunt: ne aliquando accipiantur reservata pro non reservatis, aut contra, cum magno pœnitentis & Confessarii incommodo: sed salvo in singulis Maiorum judicio, sicuti aliter sentirent. Procedam autem eo ordine quo Casus illi superius recensentur.

Raptus virginum est, ablato qua faemina talis violenter, contra suam voluntatem, aut eorum sub quorum potestate erat, de uno loco trahitur ad alium, sive ad copulam tantum carnalem, sive etiam ad ducendum in uxorem. Unde sequitur primò, non incurri hunc Casum reservatum, si puella absque violentia, tantum pretio, aut blanditiis inducta sequitur sollicitantem: quia sic non est propriè raptus. Si tamen vis adhibetur, quamvis ipsa non sit invita, sed inviti sint parentes quibus subest, aut curator, aut sponsus, tunc verè est raptus, & hic Casus incurritur. 2. Si quis vim puellæ intulit, sed à loco suo non abduxit, non est raptus, sed stuprum, ex sententia communiori. 3. Raptum hunc etiam non incurrit sponsus, qui virginem sibi legitimè desponsavit, si volentem per vim invitis parentibus abduxit ex domo paterna, & rem cum ea habuit, si nullo alio modo sponsam sibi debitam habere potuit. Quia, licet graviter peccavit eam sic deflorando & abdu-

K 3

cendo,

222 Pars 3 tract. 2. cap. 3. De Impedim. Absol. &c.
cendo, hoc tamen in jure non censetur raptus,
eo quod ex despunctione jus illi competit,
ut sponsam sibi ad nuptias haberet. Ita Doctores
pasim, qui citant etiam responsum Alexandri
III. in cap. *cum causam*, de raptoribus, id non
esse propriè raptum, neque etiam matrimonio
impedimentum præbere. Casum raptus non e-
vadit, qui per alios virginem ad se rapi curavit.
Nota denique, etsi puella rapta, jam esset resti-
tuta. & omnia utrumque redintegrata, non
posse tamen adhuc raptorem absolvit, nisi ad E-
piscopum recurrat, quia equidem Casum reser-
vatum rapiendo antea incurrit.

Homicidium, est voluntaria, & in justa homi-
nis occisio. Non reservatur homicidium casu-
le, sive Casu aliquo commissum: non etiam fa-
ctionis usum auferente: neque etiam patratum
fine advertentia & consensu sufficienti ad pec-
catum mortale. Voluntas interna occidendi
quantumvis absoluta, & mortal is, etiamsi ar-
mata fuerint ad occidendum parata, & infide-
structæ, non secuto effectu, non reservantur.
Si quis volens alterum occidere, sclopi glande,
aut gladio, aliove instrumento eum graviter vul-
neraverit, peccatum non est reservatum, si
mors postea inde secura non fuerit. Qui occi-
suarum, cum moderamine inculpatæ tutela,
non incurrit Casum reservatum: neque famulus
qui in hoc Domino suo cooperatur. Incurrit
autem hanc reservationem qui alteri vitam au-
procurat abortum foetus animati: item qui
homicidium committit. Idem dicendum de eo
qui ad alterius mortem, quantumvis occulte,
causam

Pars 3. tract. 2. cap. 3. De Impedim. Absol. &c. 223
causam efficacem posuit effectu secuto. Sed non
incurrit miles, qui in bello justo etiam innocen-
tem occidit, volens tantum hostem occidere.

Incendium, quod fuit deliberata voluntate pro-
curatum. Hinc ad incurrendum hanc reservati-
onem non sufficit, ex negligentia, aut temeri-
tate incendio causam præbuisse. Neque incen-
dium ab alio malitiosè positum extinguere nolle,
etsi id possis: aut etiam ponendum non im-
pedire. Quia etsi tales graviter peccent, non
sunt tamen propriè incendiarii. Videntur tamen
hanc reservationem incurrcere, qui incendium
efficaciter mandant, aut ad hoc alios adhibent:
quia hoc est verè incendium voluntariè procu-
rare. An verò idem fit de illis qui consilio, vel
auxilio remotè concurrerunt, non satis colliga-
tur ex illis verbis, incendium deliberatè volun-
tate procuratum, cum plerumque ubi tales com-
prehendendi sunt, addi soleat: qui etiam con-
silio vel auxilium impenderint. Cæterum ex-
communicatio & reservatio Pontificia in *Cap.*
Tua nos, de sent. excom. in sexto, dicitur lata in In-
cendiarios, qui postquam sunt per Ecclesiæ sen-
tentiam publicati, pro absolutionis beneficio
ad Sedem Apostolicam sunt mittendi. Quam
publicationem non existimo hic ad reservatio-
nem Episcopalem requiri.

Simonia, est quælibet studiosa voluntas emen-
di, aut vendendi pretio temporali aliquid spiri-
tuale, aut spirituali annexum: &c. Ut hæc cen-
teatur reservata, debet voluntas illa prodire in
actum externum, & simoniæ completere. Sig-
num Simoniæ completæ inter alia est contractus
utrimque initus. Videretur omnis simonia externa
& completa hic reservari. Cum autem in tali
simonia non detur levitas materiae: tantum

224 Pars 3. tract. 2. cap 2 De Impedim. Absol. &c.
contingit illam non reservari ex actus imperfe-
ctione , aut ex ignorantia . Simonia realis in be-
neficio Ecclesiastico est etiam Pontifici reser-
vata . Quibus verò in casibus peccatum simonia
in particlari committatur , reperies deductum
infra de præceptis cap. 12.

Sodomia , est congressus contra naturam , &
strictius sumpta est congressus duorum ejusdem
sexus , ut maris cum mare , vel fæminæ cum fa-
mina . Non incurrit hunc Casum servatum qui in
se procurat pollutionem , etiam adhibitâ operâ
alterius cujuscunque sexus per solos contactus
manuum , aut aliorum membrorum sine con-
gressu carnali . Incurritur autem certò si duo e-
jusdem sexus inter se commisceantur , masculus
cum masculo , aut fæmina cum fæmina , qui est
modus admodum turpis & præposterus , & ad
generationem non ordinatus . Sunt qui existi-
mant , per Casum Sodomiæ non reservari co-
pulam præpostoram viri cum muliere , ut si ma-
ritus cum uxore extra vas debitum commisce-
atur , quia tunc non est diversitas sexus , quam
ad Sodomiam propriè dictam requirant , quæ
majorem habet deformitatem . Verius tamen vi-
detur Casum illum pro vera Sodomia reputan-
dum esse , & sic eam appellat Cajetanus in summa
ver. *Sodomia* , item Eman. Sà ver. *Luxuria* . Lessius
lib. 4. cap. 3. dub. 13. Covar. de sponsal. p. 2. cap. 1.
Certum & hunc Casum reservatum incurri per
peccatum bestialitatis , quâ homo cum quacun-
que bestia commiscetur : etiam ex hoc capite ,
quod hoc peccatum sit gravius , quam Sodomia
quæ cum homine committitur : item per con-
cubitum cum dæmone in corpore assumpto .
Certum denique est , hunc casum non incurri
inter conjuges si modus congregandi sit præpo-
sterus ,

Pars 3. tract. 2. cap. 3. De Impedim. Absol. &c. 225
sterus, sed non extra vas in homine ad copulam ordinatum. Inter alias poenias Sodomitæ, si fuerit Clericus, omni privilegio clericali, officio, beneficio, dignitate privatus degradatur, & brachio sæculari traditur, apud Navarrum cap. 27. num. 249.

Hæresis, est error intellectus Fidei Catholicæ contrarius, ab eo qui Christum profitetur, cum pertinacia assertus. Ex hac definitione patet, illum non incurtere casum reservatum hæresis, qui est Judæus aut Paganus, qui in Christum non crediderunt: quia illi non dicuntur hæretici, sed infideles. Censetur ille cum pertinacia errorem asserere, qui sciens illum esse contra fidem Ecclesiæ Catholicæ, nihilominus illi assentitur, eumque asserit.

Incidunt igitur in hunc Casum omnes illi, qui hæresim, quam in corde latentem habent, aliquo signo exterius sufficienter manifestant, sive verbo, sive scripto, etiam nutu. Idem est de illis qui hæreticis tantum implicitè adhaerent, credendo pertinaciter vera esse quæ illi docent, quamvis in specie nesciant quid illi tenent. Incidunt etiam qui in aliquo articulo fidei positivè dubitant, sic ut parati non sint dubium deponere si melius instruantur; quia tales non habent, nec habere volunt illum assensum firmum, quem fides ex sua ratione formaliter requirit. Non incidunt tamen qui dubitant ex ignorantia, vel ex infirmitate, ex eo quod dubitationem subortam ab imaginatione sua expellere nequeant, et si non desit voluntas per meliorem instructionem eam repellendi.

Non censetur hac reservatione comprehendi, qui solum, spe lucri, aut alia passione victi, aliquid exterius fecerunt in fidei præjudicium,

226 Pars 3. tract. 2. cap 3. De Impedim. Absil. &c.
ut imagines Sanctorum deponere , aut eas male
tractare . Quia quamvis graviter peccaverint,
non deposuerunt tamen fidem internam , nec
habuerunt errorem intellectus , qui ad hæresim
requiritur , uti patet supra ex illius definitione.
Neque comprehenduntur qui interius in animo
adhæserunt aliquibus erroribus v.g. Lutheri, aut
Calvini , si errores illos nullo plane signo exte-
riori manifestarunt . Tum quia hæresis illa in
omne ad reservationem non censetur comple-
ta: tum quia Ecclesia actus mere internos judi-
care & punire non solet, uti passim docent tam
Theologi , quam Canonistæ. Idem judicandum
est de illis qui hæreticorum conciones audive-
runt , modò in animo fidem sat firmam retinue-
runt. Quia etsi graviter peccaverint , si se hæ-
resis periculo exposuerint , per hoc tamen hæ-
retici non fuerunt.

Per hunc Casum non reservatur Episcopo lec-
tio librorum hæreticorum : reservatur tamen
Pontifici tam hæresis , quam librorum hæreti-
corum lectio , retentio , impressio , in Bulla Ca-
ne art. 1. De quibus plura , & alia ad hæresim
pertinentia reperies infra , part. 3. tract. 6. quiss.
12. Item , praxim Hæretico Ecclesiae reconciliandi , part. 3. tract. 3. cap. 8.

Apostasia , est defectio à fide , à religione , vel
ab ordine. De apostasia à Fide quomodo reser-
vetur jam diximus : nam hæc ab Hæresi tantum
fere differt in eo , quod illa sit totalis defectio à
Christo , hæresis vero ab aliquo , vel aliquibus
punctis fidei. Apostasia à Religione dicitur ,
quando professus quovis modo , Religionem ap-
probatai deserit sine licentia cum intentione
non redeundi ad illam , vel aliam , sed ducendi
vitam laicalem , vel clericalem in sacerdotio. Dixi
pro-

professus quovis modo , quia ad apostasiam non requiritur in omnibus professio solennis. Apostolatia ab Ordine dicitur , per quam Clericus in sacris constitutus deserit habitum clericalem ut more laici vivat : vel tali animo constitutus in Minoribus , cum beneficio , non defert insignia clericatus. Duxi , ut more laici vivat , quia Clericus etiam in sacris constitutus , si habitum dimittat sine causa , et si graviter peccet , imo ipso facto beneficio excidat , ex *Constit. Sixti V.* non censetur tamen apostata , quamdiu habet animum habitum clericalem resumendi. Non incurrit etiam hanc reservationem Clericus qui cum beneficio gerit quidem habitum & tonsuram , sed cum animo dimittendi , & more laico vivendi , cum beneficio. Quia quamvis interius sit apostata , non ponit actum externum qui ad reservationem requiri solet. Extat etiam pæna excommunicationis contra eum qui Apostatam recipit , occultat , aut defendit.

Incestus , cum consanguineis , aut Sanctimoniis : quamvis incestus genericè sit carnalis commixtio cum consanguinea , aut affine usque ad quartum gradum , hic tamen reservatur tantum incestus ille qui committitur cum consanguineis , non vero cum affine , quod bene notwithstanding. Porro ad incestum propriè dictum requiritur à Theologis ut sit commixtio perfecta , sive , in vase à natura ad copulam ordinato. Hinc reservatio hæc non incurrit , si quis haberit cum consanguinea tactus impudicos , aut effusionem semenis extra vas naturale , quia quamvis per hæc valde graviter peccetur , non sunt tamen incestus , ut patet ex definitione supra. Ob eandem rationem , non subjacet huic reservationi attentatio , & conatus copulam

228 Pars 3. tract. 1. cap. 3. De Impedim. Absol. &c.
consummandi cum consanguinea; si in re copula non sit secuta, ut inter impuberis, aut alios qui per eratrem seminare nequeant.

Ut incestus cum Sanctimoniali censeatur completus & reservatus, requiruntur eadem quæ diximus de consanguinea. Per Sanctimoniale intellige quamlibet in Ordine aliquo approbato professam: quod si hic incestus admittatur intra septa Monasterii, incurritur excommunicatio Pontifici reservata per Gregorium XIII. anno 1575.

Injectio manuum violenta, deliberato proposito, cum laesione in parentes. Haec itaque reservatione non incurritur ubi non concurrunt haec violentia, animus deliberatus, & corporalis laesio parentis. Per Parentes hic non tantum intelligitur pater & mater, sed etiam avus, & a. l. *appellatione parentum*, f. de verborum signif. Veterius autem existimo non comprehendit respectu viri, patrem & matrem, avum & aviam uxæ uxoris: uti nec nomine patris vitricum, aut nomine matris novercam, nisi Reservans declarerit se velle nomen Parentum ad illos etiam extendere: quia constat reservationem strictè interpretandam esse; & in dubio, de illa facta non præsumi. Per injectionem manuum intelligitur etiam ea laesio quæ fit per pedes, brachia, & alias corporis partes; nam nomen manuum non exprimitur ut alia membra excludantur, sed quia manus sunt ordinarium instrumentum percusionis, & lesionis. Neque requiritur ut laesio fiat per manum aut pedem immediate, sed sufficit fieri mediately per baculum, sclopum, aliudve instrumentum. Neque necessarium videtur ut laesio sit gravis, quia laesio etiam

Pars 3. tr. 2. cap. 3. De Impedim: Absol. &c. 22
etiam levis facta cum deliberatione & violen-
tia, respectu parentum censetur gravis injuria,
& reservatione digna. Ab hac etiam non excu-
sat quod parentes male agendo læsionem illam
meriti fuerint. Quia ad filium aut filiam [mini-
mè pertinet parentes etiam meritos punire.

Excusatur tamen ab hac reservatione, qui pa-
rentem læsit in se immodico furore sævientem,
aut mortem intentantem, si tantum fecit quod
necessarium erat ad sui defensionem, & pericu-
lum fugâ, aut alio modo vitare non potuit.
Item qui ex subita iracundia posuit actionem
qua parentem lædendum minimè putavit: aut
qui lædere quidem voluit, non tamen actu læsit.
Hunc casum non reperio inter Pontificios, sed
soli Episcopo reservatum.

Soritilegium, est superstitionis quædam divina-
tio, quæ sit per sortes ad aliquid futurum, vel
occultum cognoscendum: ut si quis ex jactu
& dispositione aleæ velit divinare de alicujus
vita longa, aut brevi, de successu itineris, aut
alterius negotij. In his gravis malitia est, & me-
ritò reservata, quando sic fiunt ut sortibus illis
vis aliqua divina inesse credatur ad revelandum
occultos rerum eventus. Sortes illæ aliquando
dicuntur consultoriæ, ex quibus quasi consuli-
tur quid in hac, vel illa re ambigua agendum
sit, ut an eligendus hic aut ille status, an ineun-
dus hic aut ille contractus, & si sic de aliis ac-
tionibus suis, aut alienis. Possunt tamen aliquan-
do sortes illæ sine peccato, adeoqne sine reser-
vatione adhiberi, quando non ob virtutem qua-
si adjunctam sortibus, sed mere usurpantur ad
tollendam dubium, quod video alio modo non
aferendum: ut si ad aliquod iter, vel expedi-
tionem profecturus, nesciam quos ex multis
mibi

230 Pars 3.17.2.cap.3. [De Impedim. Absol. &c.
mihi socios adjungam, ne cogar continuo dubi-
us hærere decernam illos eligere , qui ex urna
calculos tantum albos extraheant , seposito in a-
liis ex hoc electionis modo scandali periculo.
Sortes etiam aliæ sunt divisoriæ, in quibus si non
collocetur virtus aliqua quasi divina , vel com-
mercium cum dæmone , usurpari possunt sine
peccato, sive ad hæreditatis divisionem , sive ad
litis compositionem , cum partium consensu.
Quia nihil creditur illis inesse virtutis, nisi libe-
ram determinationem sive contractum illorum
qui ad rem illam ius habent, ut sit illius in quem
fors ceciderit. Aliæ sunt species superstitionis ,
veneficium, maleficium, incantatio &c. quæ in
nomine sortilegij non comprehenduntur , de
quibus agitur infra part. 3.tract. 5. cap. 1.

Adulterium notorium. Hic non comprehenditur
quodlibet adulterium, etiamsi sit completum, &
perfectum. Hinc à quovis adulterio occulto
hoc Confessarius legitimus. Tantum igitur per
quod ad aliorum notitiam devenit, etsi non sit
omnino publicum , aut in judicio probatum.
Unde hoc peccatum, cum in se completum, &
exterius notorium esse debeat , facile à quovis
adulterio occulto discerni potest. Hic addo ,
quod de his in *Synodo Antverpiensi tit. 5. de Sacram.*
Panit. cap. 7. decernitur, ut à casibus Episcopo re-
servatis, quando crima notoria non sunt, ab-
soluere possint omnes Pastores , & Superiores
Ordinum qui externorum Confessiones audire
solent.

Complex , est hic quæ in actu carnali cum
Confessario peccavit ; quam proinde per hanc
reservationem , idem Confessarius non potest
validè

Pars 3. tr. 2. cap. 3. De Impedim. Absol. &c. 231
validè ab isto peccato absoluere. Potest tamen
absoluere eandem pèsonam, aut aliam, pro eo
tempore quo tantum cum alio suo Confessario
carnaliter peccavit. Peccatum hoc complicis,
prout verba sonant, ut censeatur reservatum,
non requirit ut copula intervenerit, sed tantum
ut fuerit peccatum carnale, quale essent tactus
graviter impudici, aut alij actus externi morta-
liter peccaminosi in genere luxuriæ. Tam dete-
stabile, & noxiū est hoc peccatum, ut meritò
vocetur incestus sacrilegus, utpote inter patrem,
& filiam spiritualem : ideòque secundum anti-
quos canones pro pæna talis copulæ decreta fuit
peregrinatio 22. annorum, ex præscripto Cæle-
stini Papæ, ut habetur tom. I. Concil. fol. 157.

Ex præmissa Expositione Casuum Episcopali-
lum, facilius etiam discernes, quomodo proce-
dendum sit circa Casus sequentes. Pontifici re-
servatos, dum circa illos actiones particulares
occurrunt. Porro, quando à casibus Pontifici
reservatis possint etiam Episcopi absoluere, re-
peries infra Cap. 4. in fine.

CAPUT IV.

Casus & Excommunicationes Pontifici reservatae.

§. I. Reservata in Bulla Cæsa Domini.

PRIMA est excommunicatio in Hæreticos cu-
juscunque Sectæ : eorumdem fautores, li-
bros ipsorum legentes, tenentes, aut imprimen-
tes; atque in schismaticos.

SECUNDA in appellantes ad futurum Concili-
um, ac eorum fautores.

Tertia,